

Basic information

Number	N 622-Ն
Type	Որոշում
Act type	Incorporation (09.01.2015-09.01.2016)
Status	Գործում է
Source	ՀՀՊՏ 2013.04.03/17(957) Հոդ.9
Enactment organisation	Երևան քաղաքի ավագանի
Enactment date	19.03.2013
Signing organisation	Երևանի քաղաքապետ
Signing date	19.03.2013
Effective date	13.04.2013

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**ԵՐԵՎԱՆ ԶԱՐԱԹԻ ԱՎԱԳԱՆԻ**

19 մարտի 2013 թ.

N 622-Ն

Ո Ր Ո Շ ՈՒ Մ*(որոշումը խմբ. 23.12.14 N 267-Ն)*

**ԵՐԵՎԱՆ ԶԱՐԱԹԻ ՎԱՐՉԱԿԱՆ ՇՐՋԱՆՆԵՐԻ ՂԵԿԱՎԱՐՆԵՐԻՆ ԼԻԱԶՈՐՈՒԹՅՈՒՆՆԵՐ
ՊԱՏՎԻՐԱԿԵԼՈՒ, ԵՐԵՎԱՆ ԶԱՐԱԹԻ ԲԱԶՄԱԲՆԱԿԱՐԱՆ ՇԵՆՔԵՐԻ ԿԱՌԱՎԱՐՄԱՆ ՄԱՐՄԻՆՆԵՐԻՆ
ԼԻԱԶՈՐՈՒԹՅՈՒՆՆԵՐ ՎԵՐԱՊԱՀԵԼՈՒ ԵՎ ԵՐԵՎԱՆ ԶԱՐԱԹԻ ԱՎԱԳԱՆՈՒ 2011 ԹՎԱԿԱՆԻ
ՂԵԿՏԵՄԲԵՐԻ 23-Ի N 359-Ն ԵՎ 2012 ԹՎԱԿԱՆԻ ՓԵՏՐՎԱՐԻ 14-Ի N 397-Ն ՈՐՈՇՈՒՄՆԵՐՆ
ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ
(վերնագիրը խմբ. 23.12.14 N 267-Ն)**

Ղեկավարվելով «Աղբահանության և սանիտարական մաքրման մասին» Հայաստանի Հանրապետության օրենքի 19-րդ հոդվածի 2-րդ մասով, «Երևան քաղաքում տեղական ինքնակառավարման մասին» Հայաստանի Հանրապետության օրենքի 52-րդ հոդվածի 4-րդ մասով, «Բազմաբնակարան շենքի կառավարման մասին» Հայաստանի Հանրապետության օրենքի 22-րդ հոդվածի 1-ին մասի բ) կետով և «Իրավական ակտերի մասին» Հայաստանի Հանրապետության օրենքի 72-րդ հոդվածի 1-ին մասի 1-ին կետի «բ» ենթակետով՝

Երևան քաղաքի ավագանին որոշում է.

1. Երևան քաղաքի այն բազմաբնակարան շենքերում, որոնցում ձևավորված չեն կառավարման մարմիններ, բացառությամբ՝ Երևան քաղաքի Արաբկիր, Դավթաշեն և Նոր Նորք վարչական շրջանների, ինչպես նաև սույն որոշման 2-րդ և 4-րդ կետերով նախատեսված՝ գնումների մասին Հայաստանի Հանրապետության օրենսդրությամբ սահմանված կարգով կազմակերպության չընտրվելու (գնումները չկայանալու) կամ գնման պայմանագիրը լուծվելու կամ անվավեր ճանաչվելու դեպքերում՝ «Աղբահանության և սանիտարական մաքրման մասին» Հայաստանի Հանրապետության օրենքի 16-րդ հոդվածի 1-

ին մասի 4-րդ կետով և 19-րդ հոդվածի 1-ին, 3-րդ և 5-րդ մասերով նախատեսված Երևանի քաղաքապետի լիազորությունները պատվիրակել Երևան քաղաքի վարչական շրջանների ղեկավարներին:

2. Երևան քաղաքի Արաբկիր, Դավթաշեն և Նոր Նորք վարչական շրջաններում աղբահանության վճար վճարողներին հաշվառելու, աղբահանության վճարը հաշվարկելու, ինչպես նաև այդ վճարը համայնքի բյուջե կամ արտաբյուջետային հաշիվ գանձելու (մուտքագրելու) լիազորությունները՝ մինչև 2015 թվականի դեկտեմբերի 31-ը ներառյալ, վերապահել գնումների մասին Հայաստանի Հանրապետության օրենսդրությամբ սահմանված կարգով ընտրված կազմակերպությանը:

3. Երևան քաղաքի այն բազմաբնակարան շենքերում, որոնցում ձևավորված են կառավարման մարմիններ՝ աղբահանության վճար վճարողներին հաշվառելու, աղբահանության վճարը հաշվարկելու, ինչպես նաև այդ վճարը համայնքի բյուջե կամ արտաբյուջետային հաշիվ գանձելու (մուտքագրելու) լիազորությունները, բացառությամբ՝ Երևան քաղաքի Արաբկիր, Դավթաշեն և Նոր Նորք վարչական շրջանների, վերապահել Երևան քաղաքի բազմաբնակարան շենքերի կառավարման մարմիններին:

4. Երևան քաղաքի Աջափնյակ, Ավան, Էրեբունի, Կենտրոն, Մալաթիա-Սեբաստիա, Նորք-Մարաշ, Նուբարաշեն, Շենգավիթ և Քանաքեռ-Զեյթուն վարչական շրջաններում աղբահանության վճար վճարողներին հաշվառելու, աղբահանության վճարը հաշվարկելու, ինչպես նաև այդ վճարը համայնքի բյուջե կամ արտաբյուջետային հաշիվ գանձելու (մուտքագրելու) լիազորությունները, բացառությամբ բազմաբնակարան շենքերի, մինչև 2015 թվականի դեկտեմբերի 31-ը ներառյալ վերապահել գնումների մասին Հայաստանի Հանրապետության օրենսդրությամբ սահմանված կարգով ընտրված կազմակերպությանը:

5. Երևանի քաղաքային համայնքի բյուջե աղբահանության վճար գանձելու լիազորություններն առավել արդյունավետ կազմակերպելու համար.

1) սույն որոշման 2-րդ և 4-րդ կետերում նշված կազմակերպության հետ կնքվող պայմանագրում, որպես մատուցած ծառայության գին, նախատեսել վերջիններիս կողմից գանձված գումարների 10% չափով գումար:

2) Երևան քաղաքի բյուջեից Երևան քաղաքի բազմաբնակարան շենքերի կառավարման մարմիններին կարող է տրամադրվել վերջիններիս կողմից գանձված գումարների 10% չափով նվիրատվություն:

6. Ուժը կորցրած ճանաչել Երևան քաղաքի ավագանու 2011 թվականի դեկտեմբերի 23-ի «Երևան քաղաքի բազմաբնակարան շենքերի կառավարման մարմիններին լիազորություններ վերապահելու մասին» N 359-Ն և 2012 թվականի փետրվարի 14-ի «Երևան քաղաքի վարչական շրջանների ղեկավարներին լիազորություններ պատվիրակելու մասին» N 397-Ն որոշումները:

7. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Երևանի քաղաքապետ

Տ. Մարգարյան

Change History

Changing Act	Corresponding incorporation
24.05.2022, N 596-Ն	03.06.2022, N 622-Ն
21.12.2018, N 35-Ն	29.12.2018, N 622-Ն
29.11.2017, N 67-Ն	16.12.2017, N 622-Ն
21.12.2016, N 658-Ն	09.01.2017, N 622-Ն
23.12.2015, N 438-Ն	09.01.2016, N 622-Ն
23.12.2014, N 267-Ն	09.01.2015, N 622-Ն

Changed acts

Changing Act	Corresponding incorporation
--------------	-----------------------------

